



BRuno filius fuit Luitholphi ducis in superio-
ri Saxonia. Nam inferiorem maiori ex par-
te, Cæsarum iussu, Episcopi administrabant. Is
post patrem ob plurimas corporis & animi uir-
tutes Saxonum dux constitutus est, Anno Chri-
sti octingentesimo sexagesimo. Hic in Saxonia
loco opportuno uicum condidit, qui paulatim
incrementa sumens in celeberrimam urbem eua-
sit, quam Brunswicum tanquam Brunonis uicum
hodie appellamus. Huius Brunonis tempore Cæ-
sares & Francorum reges omnia bellis civilibus
miscabant. Itaque Nordmanni ea occasione in
Germaniam irrumpentes Christianos perseque-
bantur, ac omnia longe lateq; fœde populabantur. Hisce sese Bruno magno
animo opposuit, atque cum uicinis Episcopis ipsis obuiam profectus est. Un-
de cruentum prælium cum Nordmannis initum. Verùm cum crudelis hostis
multitudine superaret, pius dux cum omnibus suis miserè trucidatus fuit. A-
deo tum Christianorum membra à paganis fœde mutilata fuère, ut post eo-
rum abitum neq; principes nec episcopi suis uestibus spoliati, à gregarijs mi-
litibus dignosci poterant. Itaq; omnes in idem sepulchrum conditi fuerunt.
In Brunonis uerò locum Otto eius frater dux constitutus. Albertus Cran-
tzius in Saxonia libro 2 capite 31.